

大樓炭經卷第四

容四

孽補麥憤亂上俱車轂上音車下膩吒上反  
下竹銖音中天下於赴赴上尺小反澡浴音上  
 早魚鼈滅下并穀音姪下弋牧音蔣荔上蒲  
下琴繒疾陵蚺蜚上烏蠕動上音相搏下音  
下音壘音

樓炭經卷第五

容五

西晉三藏法師法立共法炬譯

戰鬪品第十

佛告比丘昔者諸天欲與阿須輪共戲戰鬪諸天便在一面住舍營時天帝釋告忉利諸天言若使我諸天得勝阿須輪壞者當以五

繫縛維摩質阿須輪天帝釋勅諸樂天等忉利天人即受天帝釋教尔時維摩質阿須輪亦復告諸阿須輪言若使諸阿須輪得勝諸天壞者便當取帝釋以五繫縛之諸阿須輪受教尔時諸天與阿須輪共戰鬪諸天便得勝忉利諸天便取維摩質阿須輪以五繫縛

將至善等天等以現天帝釋若維摩質阿須輪念言我樂在此天上者便自見五繫縛已解自然天五樂在前若維摩質阿須輪自念欲還便自還五繫縛失天五樂佛語比丘阿須輪所被繫縛如是魔所繫縛復劇是若念為魔所縛不念為魔所解有我念有吾有我為者無有我是亦為著有色是亦為著無有色是亦為著亦不有色亦不無色是亦為著有想者是亦為著無想是亦為著亦不有想亦不無想是亦為著是為著疾病是為著瘡是為著痛賢者弟子聞是著病著瘡著痛樂無所著行是我者是為著是為不專壹為亂是為展轉有我是為著無有我是亦為著有是為著無色是為著亦不有色亦不無色是亦為著有想是為著無想是亦為著亦不有想亦不無想是亦為著著病瘡痛賢者弟子聞是著病瘡痛便樂無所著行佛告比丘昔者阿須輪與天戰鬪釋提恒因

告忉利諸天若諸天得勝便當五繫縛維摩  
質阿須輪諸天即受教尔時維摩質便復告  
諸阿須輪若我曹得勝者便當共取天帝釋  
五繫縛之便共戰鬪諸天便得勝則取維摩  
質阿須輪五繫縛之將至善等天等以現天  
帝釋維摩質阿須輪行來善等天等所見者  
便罵詈惡口尔時侍者於天帝釋前便說偈言

天帝釋為恐耶

無有力而寂寞

目前聞維摩質

口所出鹿惡語

尔時天帝釋報侍者說偈言

我不用恐故寂

力不少於維摩

云何人智慧者

寧當與愚癡諍

容五

尔時侍者於天帝釋前說偈言

若愚癡來鬪時

不當復忍此事

於彼當以搥杖

便捶繫是愚癡

尔時天帝釋報侍者說偈言

我已為了知是

不當與愚癡語

若愚者有瞋恚

智慧者不欲諍

尔時侍者於天帝釋前說偈言

當知是如是寂

天帝釋當見因

用愚癡謂智為

以恐畏故寂寞

其愚癡自謂為

用恐畏故默聲

用是故復來鬪

王恐捨如牛走

尔時釋提桓因報侍者說偈言

念來媿輕易我

謂為恐故默然

身之利第一義

無有與忍辱等

其是者弊惡人

若有起瞋恚意

不當發瞋恚向

瞋恚者便共諍

尔時釋提桓因復報侍者說偈言

所作有二因緣

為身故及他人

若有起諍鬪者

智慧者不與鬪

若有作是二事

為己身及他人

人謂是為愚癡

用不解於法故

無力者謂有力

其有力癡強者

行法者其筋力

無有能降伏者

其有是筋力者

於劣人其寂寞

容五

三

我知忍為最上

涕忍辱於劣人

佛告比丘欲知尔時天帝釋是我身我忍辱如是我今亦復忍辱佛語比丘昔者阿須輪與諸天共鬪得勝諸天即壞天帝釋便生千疋馬車恐走還見睽陂大樹上有鳥語樑中有二邠便自說偈言

語御者烏睽陂

迴車馬當避去

寧阿須破壞我

莫令壞是兩邠

御者即受天帝釋教迴千疋馬車避去諸阿須輪見天帝釋千疋馬車迴還便言欲來與我戰鬪以阿須輪即恐怖忙走天即得勝佛告比丘欲知尔時天帝釋不則我身是我尔時以慈念一切人民及蚰飛蠕動之類亦是佛告比丘昔者諸天與阿須輪共戰鬪諸天得勝阿須輪壞尔時天帝釋甚歡喜還造起大講堂名為勝何以故名為勝勝諸阿須輪故作百重欄楯一一欄楯間各作七百交露一一交露中有七百玉女一一玉女有七

百侍者

尔時天帝釋不復憂諸玉女衣被飲食各如前世所行自然為生起講堂千世界中講堂無有與天帝釋講堂等者時阿須輪王念言我威神力尊乃如是諸日月及忉利天於我上虛空中往還我欲取日月之光明著耳中行至十方念是已便瞋恚無所復避尔時阿須輪王念維摩質阿須輪維摩質阿須輪即知之便著種種具莊嚴種種兵仗騎乘無央數阿須輪百千俱往至阿須輪王所在前住尔時阿須輪王復念舍摩利阿須輪舍摩利阿須輪即復知之便著種種具莊取兵仗騎乘與無鞅數百千阿須輪往至阿須輪王所在前住尔時阿須輪王復念滿由阿須輪祇羅阿須輪即知之便著種種具莊取兵仗與無鞅數百千阿須輪俱往至阿須輪王所在前住尔時阿須輪王自著種種具莊取兵仗騎乘與無央數百千阿須輪俱圍遶從城出

卷五

四

往欲與忉利天共戰闕尔時難頭和難龍王  
以身遶須彌山七匝而震動須彌山以尾搏  
扇大海其水跳上至須彌山邊三百三十六  
萬里忉利天即知阿須輪欲來與天共戰闕  
尔時海中諸龍著種種具莊取兵仗騎乘皆  
往逆諸阿須輪共闕若闕得勝者逐諸阿須  
輪入其城郭若諸龍壞不能勝者便往至拘  
蹄鬼神所語諸拘蹄鬼神言諸阿須輪欲與  
諸天共戰闕共去逆闕來拘蹄諸鬼神聞諸  
龍語便著種種衣被具莊取兵仗騎乘共往  
逆阿須輪便戰闕若能勝者逐阿須輪入其  
城郭不能勝者即往至持華鬼神所語諸持  
華鬼神言阿須輪欲與天共戰闕當俱往逆  
逐之持華鬼神從龍及拘蹄鬼神聞是語便  
著種種具莊取兵仗騎乘共往逆與阿須輪  
共戰若得勝者便逐入其城郭若不能勝者  
便往至蔡陀末鬼神所語蔡陀末鬼神言諸  
阿須輪欲與諸天共戰闕當共往逆逐之蔡

陀末鬼神聞之便著具莊取兵仗騎乘共往  
逆阿須輪共戰闕若得勝者即逐阿須輪至  
其城郭不能勝者便往至四天王天上語四  
天王言諸阿須輪欲與天戰闕當共往逆戰  
闕逐之諸天聞之尔時毗沙門大天王念提  
頭賴天王提頭賴天王即知之便著種種具

卷五

五

莊取兵仗騎乘與無央數提陀羅百千俱前  
後圍遶往至毗沙門大天王所在前住尔時  
毗沙門天王復念卑樓勒卑樓勒天王即知  
之便著種種具莊取兵仗騎乘卑樓勒天王  
與無央數諸天人與無央數百千兵俱卑樓  
又天王與無央數諸龍百千俱前後圍遶往  
至毗沙門大天王所在前住尔時毗沙門天  
王著種種具莊取兵仗騎乘與無央數百千  
諸鬼神俱圍遶及諸天王往與諸阿須輪共  
戰闕若能得勝者便逐諸阿須輪至其城郭  
不得勝者即往至善等天等白天帝釋及諸  
忉利諸天言諸阿須輪欲與諸天戰闕當共

往道闕逐之尔時天帝釋告諸天言往至須  
 燄天子所蔡兜術天子所尼摩羅天子所波  
 羅尼蜜天子所言阿須輪欲與諸天共戰當  
 共逆闕逐之波羅摩天子所言諸阿須輪欲  
 與諸天共戰當共往闕即受天帝釋教往語  
 上四天如是便各各著種種具莊取兵仗騎  
 乘來下天與無央數天人燄天往住須彌山  
 東脅護忉利天兜術天人往與無央數天人  
 在須彌山南脅住尼摩羅天子與無央數諸  
 天住須彌山西脅護忉利天故波羅尼蜜天  
 子與無央數諸天王住須彌山北脅護忉利  
 天故尔時天帝釋念惟縵諸鬼神鬼神即知  
 之便著種種具莊取兵仗騎乘往至天帝釋  
 所在前住尔時天帝釋念善住象王善住象  
 王即知之便著種種具莊取兵仗騎乘往至  
 天帝釋所在前住尔時天帝釋復念諸天王  
 諸天王即知之便著種種具莊取兵仗騎乘  
 往至天帝釋所在前住尔時天帝釋復念忉利

諸天忉利諸天即時知之便著種種具莊取  
 兵仗騎乘往至天帝釋所在前住尔時天帝  
 釋自著種種具莊取兵仗騎乘坐善住象王  
 頂上與無央數百千諸天前後圍遶出天宮  
 往至諸阿須輪所共戰闕刀刃矛箭弓弩以  
 刺傷諸阿須輪身毒痛不可言以因緣故亦  
 不死諸阿須輪亦如是用七寶刀刃矛箭弓  
 弩以刺傷諸天身毒痛不可言以因緣故亦  
 不死欲行天亦如是與諸阿須輪戰闕用欲  
 故欲藏故欲因緣故乃如是

三小劫品第十一  
 佛告比丘有三小劫何等為三一者刀劍劫  
 二者穀貴劫三者病疫劫是為三小劫刀劍  
 劫者云何刀劍劫時人多非法愚癡邪見行  
 十惡事用人行是惡事故諸所有美味酥麻  
 油蜜石蜜諸所有皆滅諸有好衣錦氎皆滅  
 盡是天下地山林谿谷崖岸自然生諸珠瓊  
 璃水精諸寶皆沒地中但有棘崖刀劍劫時

卷五

六

人民而不孝順父母不承事沙門道人不敬尊長其惡名遍流行佛言譬如今世人孝順父母敬事沙門道人承用長老言其善名聞流布如是刀劔劫時人民不孝順父母不承事道人沙門不敬長老惡名聞流布刀劔劫時都無有善何況有行善者耶刀劔劫時是

天下人無有相賈貸者諸大樹木皆墮地但有溝坑高卑不平有水蕩波處崩岸河水深在底人民少但懷恐怖衣毛為豎刀劔劫時人民相見但欲相賊害譬如野澤之中獵者見麋鹿欲害殺之如是刀劔劫時人民相見但欲相賊害手所捉取草木瓦石皆化為刀

卷五

七

劔展轉相殺尔時人壽十歲時中有點者智慧走入山林谿谷深河岸中藏匿言無有能殺我者我亦不殺人便在彼食果菰樹根刀劔劫時相殺七日乃休尔時人民死者墮泥犁中所以者何彼刀劔劫時人各各懷毒意相念惡無善意而死刀劔劫時人如是也

佛語比丘穀貴劫時云何穀貴劫中時人民多非法愚癡邪見妬嫉慳貪守財不肯布施用是故天雨不為時節用天雨不時節故人民所耕種枯死不生但有枯莖用是故穀貴人收掃畦中落穀裁自活命穀貴劫時如是也復次穀貴劫時人行掃街市里均穀以自

給活復次穀貴劫時樹葉落入地人已鑿地取樹葉煮食之穀貴劫時人民困厄如是也穀貴劫時飢餓死者多歲骸骨解散在地人皆飢餓收取市里街道骸骨煮用食之人民飢餓乃如是也穀貴劫時人死者墮餓鬼中所以者何穀貴劫時人民相嫉妬慳貪是為穀貴劫也

佛語比丘疾病劫時云何疾病劫時人民奉行經戒正見離邪見行十善事用是故尔時他方世界諸鬼神來撓是諸人搗捶諸人撓亂其意此間鬼神媯亂是故他方鬼神得便來撓諸人搗捶撓亂其意譬如王者若大臣

勅兵使守護城門此諸兵姪亂若他國有強賊來抄掠此郡國縣邑如是疾病劫時人民奉行經戒正見離邪見奉十善事他方鬼神來觸燒人過捶撓亂其意疾病劫時人死者皆生天上所以者何疾病劫時人展轉相勞問言云何為安隱不為差未是為疾病劫時是為三小劫也

災變品第十二

佛語比丘天地有三災變何等為三一者火災變二者水災變三者風災變是為三災變災變時人會三處何等為三遭火災變時人悉上第十五阿衛貨羅天上聚會衆多遭水

容五

八

災變時人悉上第十九首皮斤天上聚會衆多遭風災變時人悉上第二十三維呵鉢天上聚會衆多遭火災變時天下人皆行非法邪見不正見犯十惡事用人民皆行非法奉邪見不見正行行十惡故天雨不時節天不雨以後是天下所有樹木草藥萬物皆枯死

不復生佛告比丘言是為非常無堅固不得久是為老極故當剝脫至今一切廢自求解脫矣後久久不可計大亂風起入大海三百三十六萬里取日大城郭上須彌山邊百六十八萬里著本日道中用是故世間有兩日出兩日出之後諸渠小河水皆枯竭無有水

佛言是為非常無堅固不得久是為老極故當剝脫至得解脫自然之道後時久久不可復計大亂風起吹彼大海水波三百三十六萬里入取日大城郭上須彌山王邊百六十八萬里著日城郭道中用是故世間有三日出諸有大河江流邪遠阿夷趣摩醯和叉信

他流江水皆枯盡無有餘也佛語比丘非常無堅固乃如是是為老極故當剝脫遠之至得解脫自然之道矣後復久久不可計有大亂風起吹海水波三百三十六萬里入取日大城郭出上須彌山王邊百六十八萬里著日道中用是故世間有四日出諸流泉大泉

容五

九

及阿耨達池紅蓮華池青蓮華池白蓮華池黃華池摩那衍大池那利大池皆枯盡無餘也佛語比丘非常無堅固乃如是不可得久是爲老極故當剝猷遠之至得解脫自然之道矣後復久久不可計大亂風起吹大海水波三百三十六萬里入取日大城郭上須彌山王邊百六十八萬里著日道中用是故世間有五日出大海水稍減四千里八千里萬二千里至減二萬八千里佛語比丘非常無堅固乃如是不可得久是爲老極故當剝猷遠之至得解脫自然之道矣五日出時燒大海水至餘有二萬八千里萬八千里萬四千里八千里四千里有時海水稍減餘有七樹六樹五樹四樹三樹二樹一樹後稍減餘有七人六人五人四人三人二人至一人海水餘有沒一人後稍減至人腰稍至人膝後餘有少許水譬如天雨牛蹄中水後稍久久大海水皆枯盡不能濕人指譬如脂膏之汁著

大火中即無烟矣

佛語比丘非常無堅固乃如是故當剝猷遠之至得解脫自然之道矣後復甚久久不可計大亂風吹大海水波三百三十六萬里入取日大城郭上須彌山王邊百六十六萬里著日道中用是故世間有六日出四大天下及八萬城大山及須彌山王皆燒炙出烟譬如大陶家初然火出烟狀

佛語比丘如是世間有六日出時燒炙四大天下及八萬城諸大山須彌山王皆烟出譬如脂膏濕著大火中即燒無烟矣佛語比丘非常無堅固故當剝猷求索解脫得自然之道矣後復甚久久有大亂風起吹大海水波三百三十六萬里入取日大城郭出上須彌山王邊著日道中用是故世間有七日出四天下及八萬城諸大山須彌山王皆簸我動搖譬如大鼎鑊熾其火鑊沸涌躍七日出時如是也四天王忉利天跋摩天兜術天尼摩

卷五

十



羅天波羅尼蜜天梵加夷天宮皆簸我動搖也風高諸天宮上著阿衛貨羅天彼諸初生天子見火皆恐怖先生諸天子語初生天子汝莫怖恐我昔更見燒時火齊此不過尔時四大天下及八萬城諸大山及須彌山皆簸我動搖須彌山王四千里一崩墮八千里萬二千里萬六千里二萬里二萬四千里二萬八千里而崩墮譬如脂膏濕著大火中即無烟亦無餘矣佛語比丘所有非常無堅固乃如是是為老極故當剗馱遠之至得解脫自然之道誰當信世間有七日出時獨有見者信之耳誰當信四大天下及八萬城諸大山及須彌山王燒出烟獨有見者信之耳誰當信四大天下及八萬城諸大山及須彌山王簸我動搖及四天王忉利天跋摩天兜術天無貢高天他化自轉天梵加夷天皆簸我動搖風舉諸天宮上十五阿衛貨羅天上者獨有見者信之耳誰當信須彌山王盡破壞無

復有焦山土處諸泥犁一切皆破壞滅盡已後畜生禽獸皆復滅盡已然後餓鬼皆復滅盡已後阿須輪皆復滅盡已後人皆死盡及四天王忉利天跋摩天兜術天無貢高天他化自轉天梵加夷天人皆滅盡是謂天地燒之人皆會一處然後甚大久久有大雲起放大雨其滴大如車軸滿諸江海稍稍積聚水上至梵加夷天復至第十五光明聲天上其水四面有風制持之第一風名住風二者助風三者不轉風四者堅風是為四後久久大復久數千萬歲水稍稍耗減無央數百千逾旬有風名僧竭周而四面起吹水稍稍減其上波起生厚沫化作七寶交露如是持上至第七天上造作宮殿後久久數千萬歲水稍稍耗減數百逾旬數百千逾旬亂風從四面起吹撓水上生厚沫化為七寶金銀琉璃水精磳磳瑪瑙赤真珠成為交露金風持造作第六波羅尼和耶越天人所居處後久久甚

卷五

十一

遠數千萬歲水稍稍耗減亂風名蔡竭從四面來吹水上波起生厚沫化爲七寶金銀琉璃水精赤真珠磔磔瑪瑙成爲交露亂風持上第五天上造作天人宮殿竟後久久數千萬歲水下遂耗減亂風從四面來吹水上波起生厚沫化爲七寶持上造作第四兜術天上第三醜摩天作宮殿後復久久數千萬歲水下稍稍耗減數千萬逾旬亂風從四面來吹水上波起生厚沫化爲四寶一者黃金二者白銀三者琉璃四者水精亂風持以於世間天中央造作須彌山王高三百三十六萬里縱廣三百三十六萬里其東脇天白銀南脇天青琉璃西脅天水精北脅天黃金後復人久數千萬歲水下遂稍稍耗減數千萬逾旬亂風從四面來吹撓其水上生厚沫化爲七寶金銀琉璃水精赤真珠磔磔瑪瑙成爲交露亂風持上須彌山王上造作第二忉利天宮殿竟後復久久數千萬歲水下稍稍耗

減數千萬逾旬亂風從四面來吹撓其水上波起生厚沫化爲七寶成交露亂風持上須彌山王百六十八萬里中半造作第一天上人宮殿竟後復久久數千萬歲水下稍稍耗減亂風從四面來吹撓其水上波起生厚沫化爲金剛亂風於四大天下及八萬城外造

容五

十三

作山高六百八十萬逾旬凡合外四而名大鐵圍山復後久久數千萬歲水下稍稍耗減亂風從四面來吹撓其水上波起生厚沫化爲金剛亂風復取於四大天下及八萬城外周而四合復造作第二大山其山高六百八十萬踰旬其後水下稍稍耗減數千萬里亂風從四面來吹撓其水上波起生厚沫化爲七寶金銀琉璃水精赤真珠磔磔瑪瑙圍遶造作八重山高百六十八萬里名阿多利甚姝好其水下遂稍稍減數千萬里亂風從四面來吹撓其水上波起生厚沫化爲七寶持著阿多利山周而造作第二山名伊沙多高

百三十四萬里甚姝好第三山名逾漢多高四十八萬里廣亦四十八萬里第四山名善見高二十四萬里廣亦二十四萬里第五寶山名阿波尼高十二萬里廣亦十二萬里第六寶山名尼彌多羅高四萬四千里廣亦四萬四千里第七寶山名維那兜高二萬二千里廣亦二萬二千里第八寶山名遮加和高萬二千里廣亦萬二千里後水稍稍減亂風四面來吹其水上生厚沫化為厚土因成地深六百八十萬逾旬其邊不可限亂風大起吹搗損其地大深三百三十六萬里長亦三百三十六萬里天下諸水皆流歸之正滿因

容五

十三

城大海海水何故鹹鹹一味有三事一者海中有大魚身長四千里者八千里者萬二千里者萬六千里者二萬里者二萬四千里者二萬八千里者三萬二千里者皆漬溺海中故海水鹹二者雲起覆諸海放大雨其雲上至阿迦尼吒天放雨大如車軸洗盪須彌陀

旃諸天宮阿答和天阿比波天首皮斤天惟呵鉢天阿波波天梵迦夷天下至四天王其鹹水悉流入大海故海水鹹一味復次昔者得仙人能呪呪使海水鹹一味故海水鹹一味是為三事

佛言天地共遭水災變時天下人施行皆為眾善好喜為道德死後精神鬼魄皆上第十六天為天人泥犁中人諸有含血喘息蠕動之類皆死歸人形復為眾善之行喜為道德死皆上第十六天上為天人阿須輪天人及第一天上人以上至第十五天上人皆終亡其精神鬼魄來下歸人形施行積為眾善好喜為道德死皆復上第十六天上為天人然後天下人乃盡久久大雲復起上行至故第十五天上其雲下大沸灰雨其滴大如車軸天雨沸灰如是久久數百萬歲諸四天下八萬城諸大山及須彌山從第十五天上以下至四天下皆糜爛消滅盡無餘譬如脂膏

之汁置大火中即無烟炎矣誰當信此言者  
獨有得自然之道者乃信之耳此所謂天地  
遭水災變時破壞終亡之要天地終亡破壞  
後得更始生之法如遭水災變時更生同法  
始從第十五天上起成下至第一天上及阿  
須輪天及造作四天下及八萬城諸大山  
及須彌山日月星宿乃見下及天下諸有萬  
物至造竟鐵圍大山此所謂天地遭水災變  
時破壞終亡後更始根本要也

佛言天地共遭大風災變時天下人施行又  
住平善慈仁常孝順皆喜好為道德死精神  
皆上第十七天上為天人泥犁中人及諸有

容五

十四

含血喘息蠕動之類皆死歸人形皆復為衆  
善之行皆喜好為道德死精神鬼魄皆上第  
十七天上為天人阿脩輪天人及第一天上  
以上至第十六天上人皆終亡精神鬼魄來  
下歸人形施行積為善喜好為道德皆復上  
第十七天上為天人然後天下人乃盡索後

久久大風起名曰來柯沙上行至故第十六  
天上悉壞敗破散消滅上悉盡之無餘聲無  
響久久如是大風吹盡第十六天上人本所  
居處了盡下至阿脩輪天無餘譬如大風吹  
微麵隨漂消散微盡誰當信此言者獨有得  
自然之道信者乃之耳大風復吹破壞消滅

悉盡天下日月所照中萬物四天下及八萬  
城諸大山及須彌山盡竟鐵圍大山皆糜消  
滅亡悉盡索無復餘譬如大風吹微麵隨漂  
消散微盡無餘矣天地共遭大風災變時竟  
一劫後復更始生之法復如遭火災變後復  
更始生一劫乃成竟此所謂天地共遭大風

破壞終亡以三品後更始生亦以三品誰當  
信此言者獨有以得自然之道者信之耳天  
地共更始生如始遭火災變時後復更始生  
亂風復起造作之悉竟後第十五天上人其  
薄祿者來下悉填滿十一重天人所居上下  
悉充滿及阿須輪天在須彌山四面本故所

素末

居處悉皆充滿

樓炭經卷第五

容五

擗杖瓜上反竹來燒乃下音涕忍替上作櫟助交

也居跳上條上音蔡隨薩上音矛箭浮上莫弓弩古下乃

谿谷字上溪賈貸下他代反麋鹿眉上音點反開八

藏匿力下反果麻果下音蛙中上音均穀句上反鑿

地昨上音極之委反抄掠下音創獸狀上初

摩醯下呼反那衍下音簸我下音滂反下瀉下歷吹撓

息軟上尺擗損月上其漬溺下在洗蕩下作喘

樓炭經卷第六

樓炭經卷第六

容六

西晉三藏法師法立共法炬譯

天地成壞品第十三

佛告比丘天地破壞更始成之後人皆在第十五阿衛貨羅天上其天上人以好喜作食各自有光明神足其壽甚久長佛告比丘時

其水滿天下地亦時無有日月亦無星宿無有晝夜亦無一月半月亦無年歲窈窈冥冥無所見天地成之後彼天人福德薄祿命欲盡者從阿衛貨羅天上來下遊此間地亦以好喜為食各自有光明神足飛行在其人間壽甚久長時天下人甚端正姝好不別男女亦不可別君長庶人民但共眾俱往還

佛告比丘時地上自然生地味譬如白酥上肥其地味色如是也其味譬如蜜時有一異嗜味人心念言我欲試以指取地味嘗之知何等類其人便以指取地味嘗之甚喜嗜之如是嘗至三返遂喜即復撮滿手食之餘人

見已便効以手撮取地味而食之人食是地味之後身即鹿堅面色變惡亡失光明神足不能復飛行上天天下復如故天下窈窈冥冥天下窈窈冥冥之後法當有大黑風起吹入大海水波三百三十六萬里取日月大城郭上須弥山邊百六十八萬里著日月城郭